

I.

ATUA I MUCIA NESAH HERA BUTIA.

TUI tui, Atua i mucia neten, nemav, netis, tambabe nesah hera butia ar tok rier. Atua i se levi nesah sende ti muci ahanera, i sur sumban ; hera ara barlu.

Re nambog nahabimo Atua i beteni : Nuta ti mier : bilbiltah nuta i masera.

Re nambog nakiruahte Atua i ligi nemav ti mucia naviu ho lemeve ti mapot entene navui ho efetil.

Re nambog nakitilahte Atua i ligi pagase netis, tambabe neten memes. I muci nesah bisok ar tiv reten, namine, nentim, neves, naki hera butia.

Re nambog nakibisicte Atua i ligi niel, ambisia, mose hera. Niel ti sin rien nutanrien, ambisia ti mier, mose ara gculu lemeligco.

Re nambog nakilimahte Atua i mucia nika tambabe nesah ho ara tok navui tambabe netis. I muci nemin butia ara tu raki.

Re nambog nakirobokolene Atua i muci nesah neluar embis tambabe nesah ara gcarah reten.

Bitah i mucia asamagk. Atua i levi neten egcol ana ginsia ti bi nerambanta asamagk, Atua i uvui sovuhte nemeurien buku rien nambul negunsenda, nenenta ta Atua i buis buku rien, asamagk i meur. Atua i ligi Adam rien teluta bokol nahsen Eden, i beteni ti gcolagkalu teluta.

Re nambog nakirokuruene, Atua i se muci nesah sende, I gavugav entene numene tahan, I muci nambog rokuruene ti bi nambog bembui, Sabat.

Atua i lisi esamp Adam i tok sumban. I muci Adam ti ien bimbelih ana levi celih marsen tahan bokol, naho i mucia ti bi tambaluk. I levi tambaluk sake Adam ti bi asono. Adam i ligi nahsen Iva. Atua uri nesah ho ara meur buku tipse Adam. Adam i ligi nahser.

Atua i lisi nesah hera butia naho i mucia, ana beteni ; ar embu.

2.

NESAH ESAMP TA ADAM.

ATUA i ligi arua rien teluta Eden. I beteni ho arua ur gcolagkalu pagase teluta, ur gcani vanaki hera. Bila naki bokol ho i tok luvika ahane teluta, naki ho i muci asamagk ara lisembosia nesah esamp je nesah embu, Atua i bete gcori ur gcania. Bila Setan i buis buku rien namat ana sur ukuni Iva. I beteni : Atua i bete gcori vanaki hera butia ? Iva i beteni : Ao, Atua i bete gcori naki bokol ugi, i beteni, re nambog ho mar gcania mar bur mis.

Setan i beteni : Ao, mur se bur mis, bila vanaki i muci amurua mur lisembosia nesah bisogk, mur bi meterulia lahase Atua.

Tambaluk i lisi vanaki i bi navagan embu, i bi vanaki ho i muci meterulia. I tavui ana gcani bokol, i levi mantuhte sake Adam, hená i gcania. Ur rog esamp, ur sende nerah biliva ti bi namban

tarua. Re nutan ravirav ur rogi nentilo Atua ho i beneven rien teluta, ur metah lumbon, ur rop ur tok mismis tambui.

Atua i balokoni; Adam i butabub ana beteni: moligk isika anu ni metah, ni tok mismis.

Atua i beteni: Hasi beteni egko lahase? Egko u gcan esu vanaki ho anu ni bete gcori?

Adam i beteni: Tambaluk ho u levi sak eiu, i tavui, anu ni gcania. Atua i beten ahane Iva: Mevah u muci lahase?

Iva i beteni: Namat iapseiu, anu ni levia ana gcania. Atua nelna enrar, i beteni ho namat i tombo gcarah reten, asamagk ara tombo metahani hena, I beteni ho Iva i tombo rog esamp, ha Adam i uma kologos ana bibrot lumbon rien navagan tahan, beneven i mis. Atua i levi nakulukte nesah neluar embis ti bi molerua. I gcusi rua butabub entene nuta Eden, ana ligi agel bokol ti gcolagkalu havila buku tipse naki nemeurien.

*AULUA, MALEKULA,
NEW HEBRIDES.*

Australia:

PRINTED BY ARBUCKLE, WADDELL & FAWCKNER, 20 MCKILLOP ST.
MELBOURNE, VICTORIA.